

Majo. nomine à *Majo* urbecula Episcopali quæ *Mageo* in Provinciali Romano dicta, facta; sed sedes illa Episcopalis Metropoli Toamensi jam adnectitur, & vicini respiciunt Episcopum de *Killaley* in Baronia *Tir-auley*.

Killaley
Episcopus.

In *Majo*, nisi me fallo, Colmanus Hiberniæ Episcopus, qui ut habet Beda, viris circiter triginta de gente Anglorum Monachicæ conversationis studiis imbutis, quos in Hiberniam abduxit, monasterium construxit. Sed audi

Lib. 4. c. 4.

Bedam. Colmanus invenit locum in Hibernia insula aptum Monasterio construendo, qui lingua Scotorum *Magio* nominatur. Emitque partem ejus non grandem ad construendum ibi monasterium à Comite, ad cujus possessionem pertinebat, ea conditione addita, ut pro ipso etiam, qui eis locum commodaret, consistentes ibi monachi, Domino preces offerrent. Et constructo statim monasterio, juvante etiam Comite & vicinis omnibus, Anglos ibidem collocavit, relictis in insula *Bovind* Scotis. Quod videlicet Monasterium usque hodie ab Anglis tenetur incolis: ipsum namque est quod nunc grande de modico effectum. In *Mago* consuevit vocatur. Et conversis jamdudum ad meliora instituta omnibus, egregium examen continet Monachorum, qui de provincia Anglorum ibidem collecti, ad exemplum venerabilium patrum sub regula & abbate canonico in magna continentia & sinceritate proprio labore manuum vivunt. Circa annum M C X V, hoc denno restauratum erat monasterium, Regisque Ioannis temporibus floruit, qui Diplomate suo prædica plura illi confirmavit. Nec alius sane qui memoria dignus occurrit locus, nisi *Logh-Mesk* lacus satis amplus & piscosus, in cujus insululis duabus sunt propugnacula tuta, quæ ad familiam de *Burgo* sive *Burk* spectant. Incolis autem quam oppidis est celebrior, qui aut Hibernicæ sunt originis, ut *O Mailies*, *Ioies*, *Mac-radus*, aut Scoticæ ex Hebridibus insulis, & è tribu *Donelli*, unde *Clan-Donelles* vocitantur omnes *Galloglasii*, & quasi triarii mercenarii qui securibus utrinque acutis depugnant, loriceis anulatis armati; olim à seditiosis huc evocati, & agris donati, aut Anglicæ ut *Burki* illi sive de *Burgo*, *Iordani* à *Iordano* de *Excestria* orti, *Nangli* de *Castlough*, *Prendergest* de *Clan-Moris*. Sed longe potentissimi sunt illi de *Burgo*, qui Guilielmo fratre juniore *Walteri* de *Burgo* Comititis *Utoniæ* quodammodo originem & gloriam, debent. Ille gloria militari affluens, in Scotiam captivus abductus, & uxore obside relicta, suis restitutus *Conachtiam*, è qua (ipso absente) Angli omnes à *Phelim* *O Conor* erant expulsi, fortitudine sua recuperavit, *Plelimo* *O Conor*, *Mac-Dermond*, *Tego* *O Kelly* in prælio cæsis, & ipse tandem à *Cormaco* *Mac-Dermond* in vindictam occisus. Ejus è filio *Edmundo* cognomine *Albanach* (quia in Scotia natus) nepos *Thomas*, cum locupletissimam familiæ suæ hæreditatem per sœmellam ad *Leonellum* *Clarentiæ* Ducem translatam videret, ægerri-

Logh-
Mesk.

Gallo-
glasies.

Mac Wil-
liam, qui
etiam
Mac Wil-
liam
Eugher.

me tulit, contractisque perditorum copiis (qui nunquam in Hibernia ut etiam alibi defuturi) patrimonium Comitum *Utoniæ* in hoc Comitatu vi & injuria occupavit, & ex avi illius nomine, cujus gloria & gratia tunc recens, se *Mac-William*, id est, *Filium Guilielmi* dixit. Posterius vero sub eo nomine tyrannidem hac in parte invaserunt, in se mutuis subinde cladibus, & misellum populum rapinis & expilationibus longo tempore sævientes: adeo ut vix ullam villam non everfam atque exterfam reliquerint. Hanc violentam potentiam *Richardus Bingham* *Conachtia* Præfectus vir acer & feroci provincia dignus minime perferendam censuit. Viderat enim ille pro prudentia inter primarias esse rebellionum, barbariæ, & foedæ paupertatis in Hibernia causas, & populum à Principis obsequio ita abstrahere, ut non alium Principem quam suos Dynastas agnoscant. Itaque ut Regiam potestatem quantum poterat confirmaret, & grassantem hanc tyrannidem istius *Mac-William* & aliorum labefactaret, omnes animi & ingenii nervos sedulo intendit, & quanquam multis subinde criminationibus & apud Regiam, & Proregem impetitus, propositum urgebat. Contra qui è familia de *Burgo* & eorum clientela sistere se juri recusarunt, arma sumpserunt, allectis in eorum societatem tribubus *Clan-donellorum*, *Ioiorum*, & aliis qui sibi & suæ potentiæ timuerunt quos *Bingham* Præfectus facile dissipavit & castellis expugnatis, in sylvas & latibula conjecit, donec Prorex supplicantes miseratus missis literis ut in pacem reciperentur jussit. At illi qui pacem bello turbant, bellum pacis dulcedine deponere nescii, quamprimum relevati & à morte quasi revocati, arma resumpserunt, prædas passim egerunt, & omnia tumultibus permiscuerunt, clamitantes se velle suum *Mac-William* sibi erigere, vel ex Hispania accersere, se nolle Vicecomitem admittere, aut legibus subjici, Insulanosque Scotos ex Hebridibus, latefundis promissis in subsidium clam evocarunt. Quam exultantem eorum insolentiam ut Præfectus coerceret, Prorex imperavit. Illeque statim cum omnes æquas condiciones oblatas respuerent, contractis copiis per saltus & sylvas adeo acriter exagitavit, ut post 6, vel 7, septimanas fame gravissime afflictis se demississime submiserint. Quo ipso tempore auxiliares illi Scoti advenerunt, & per avia & inviaditum in Comitatum *Majo* latenter indagantes, sed continuis itineribus Præfectus noctu & interdiu insistens ita observavit, ut demum ad *Ardnary* interceperit; eosque aggressus fortiter profligavit cæsis & fluvius *Moin* haustis tribus plus minus millibus. Clara hæc victoria in præsens & in futurum usui, rebellionem cum titulo *Mac-William*, extincta, *Donello* *Coran*, & *Alexandro* *Carrogh* filiis *Iacobi* *Mac-Conell*, & insula-

Cuttings,
Coyne Li-
vory, &c.
Rebellio-
num in
Hibernia
caussa.

Richardus
Bingham.